

— მებობარო, თქვენ ურიპოდ მობრქანდითი..

სიკუნთა

11 83

ახალი სხეულები


ზოთა ლელაძე დაიბადა ქუთაისში, 1955 წელს. საშუალო აკოლის დამთავრების შემდეგ მშობლიური ქალაქის თბერის თეატრში მუშაობს მხატვარ-შემსრულებლად, თოჯინების-მხატვარ-მხატვარ-ბუტაფორად. მან მხატვრულად გააფორმა სპექტაკლები სახალხო თეატრების სცენებზე. გადავაზობთ ახალგაზრდა მხატვრის რამდენიმე ნამუშევარს.



— ახალი წელი, კაი ხანია, გავიდა და, ან, ვიღა გაშილებს კარებს, ელექტრომრიცხველი რომ შევა-მონმო?!




— გეყოფა ამდენი სმა!.. სცენაზე ვა...
— ერთბაშად ავტონსპექტორმა არ გამაჩეროს!..



— ახლავე ადუქი ჩემი ადგილიდან, სანამ ადმინისტრატორს გამოვუძახებდე!..

ქართული საზოგადოება



ღვინისძიება ღვინისძიების შემდეგ..



— დაგენაძლავები, ამაზე უკეთესად თუ ვინმე ცვალებდეს ქუთაისში..

ქუთაისის თოჯინების თეატრი ნახევარსადღისა მოთავსებული, რის გამოც სპექტაკლები ხარვეზებით მიდის.



რატომ არ იწყებთ წარმოდგენას?
— დილით ერთი გოჭი გაგვაქცა და დავიწყებთ..

ქალბატონის სააფთიაქო სამმართველოს უფროსი — მიხეილ ჭიჭინაძე — ჩემი ახლო მეგობარია. ან რომელი ქუთაისელის მეგობარი არაა იგი! ავადმყოფობა, ჩემო ბატონო, ისე დაუკავუნებლად შემოგიღებს სახლის კარებს, როცა არ ელი! ჰოდა, მიშა ბატონია ყველას იმედი!..

ერთხელ ცოტა ნასვამი, ჩვენებურად — შეზარხოშებული — მთლად იმერულად — შეპიანცებული — შევედი საზღვი ლიღინ-ლიღინით.

— რა გამღერებს, კაცო შენ?! — „შემომეგება“ ცოლი, — მიშა ავარიში მოხვედრილა!.. იქნებ, ცოცხალიც აღარ არის!..

ნაშში გამოვფხიზლდი, ვეცი ტელეფონს.

— ვისმენთ! — მომესმა მიშას მეუღლის ხმა.

— რა ამბავია?! როგორ ხართ?! როგორაა მიშა?! — ჩავყვირე და ჩავყვირე ყურმილში.

მცირე დუმილის თუ პაუზის შემდეგ: — ძაღლს კოჭლობით რა მოკლავს?! — ესე იგი?! — თვითონ გეტყვის!..

— ჰო! — ვიცანი მიშას კნავილა ხმა და უცებ მეც ხუმრობის გუნებაზე დავექი:

— მიშა, რამე წამალი ხომ არ გჭირდება?! შენ რომ იცი, იმ უბანში გიშოვი! — ჩავგესლე ჩემი ჭკუით.

— აჰა, არა?! ნარეტანი ვლახათაა ჩემი საქმე! ვერც ჩვენებურმა და ვერც უტხოურმა წამალმა ვერაფერი მიშველა, ვერ დამაძინა! არადა, ჩემს მდგომარეობაში, ახლა ძილია მთავარი! თუ კაცი ხარ, რომელიმე შენი წიგნი მომიტანე! დაცდილი ნაქვს — ორი ფურცლის ჩაიხთხვა და ჩაძინება ერთი იქნება!..

ამაპივით შეზრდილ-შეთამამებული, შესუმრებული გარებიდაშვილები — იასონა და ბუჭულია ჩხვიძები შეხვდნენ ერთმანეთს.

— გავიგე, ძაღლს ეძებ თურმე, იასონ! რატომაც არა! — შენი სახლკურისა და ეზო-გარემოს პატრონს, დიხაც უნდა მცველი! შენ რომ გეკუთვნის და გეკადრება, იმნაირ ჯიშოვრ ძაღლს სად იშოვი?! იყიდე ჩენი ვიშვრა! — მამა-შვილში ღირს სამასი მანეთი, მარა შენ ორასად ნაიყვანე!

— ბუჭულია ჩხვიძე! ძაღლი იმიტომ მჭირდება, შენ რომ არ ჩამოგიშვას ეზოში!..

შაკიამ ქუჩა გადაჭრა, გაზონს გადალაჯა და წინ მილიციელს გამოეჭიმა:

— მოძრაობის წესი დაარღვიეთ!.. გადაიხადეთ ჯარიმა!..

— რა მოგართვა?! — მანეთი!

შაკიამ ორი მანეთი მისცა და ქუჩის მეორე მხარეს დარჩენილ ამხანავს გასძახა:

— გადმოი, შოთია, დაპაუტებული ხარ!

— სხვას რას ვერჩი, ჩემო ბატონო, სიმწრით გაზრდილ საკუთარ შვილიშვილზე ვიფხან ენას, — ნამიონყო ერისტო ნიჭაბაძემ და წვერი ჩამოიხუთია.

— მიწა, იცოდეთ, რაფერ ვუყვარვარ, რაფერ ცდილობს, გამიხანგრძლივოს სიცოცხლე!.. გუშინწინა ადრე ავდექი, იღბლად კრანტში წყალი კი მოდიოდა, გავაფხე*ჩაინიკი, შემოვლდი გაზეურაზე, გავკარი სპირტს და... თქვენს მტერსა და მოავეს, მე რომ დამემართა: თურმე, საცხა ეპარებოდა გაუი ქურას, იხუვლა, იფეთქა ალმა და მეცა წვერულვაშში!.. მიშველეთ-მეთქი ვიბლაღვე, მარა რა ვიბლაღვე!..

ჩემი სტუდენტი შვილიშვილი ბეორე ოთახიდან გამოვლოდა, ცევიდა ჩემამდე და აბრიალებულ წვერზე სიგარეტს მოუკიდა!..

ღაპით კვიცარიძე



მოსხვი სყროვანი

რომანი ერთ პარად და ორ ეპილოგად

პარი პირველი

ბელეფონი ფრიად კარგი ვანოგონებაა. იგი რომ არ არსებობდეს, განა ასეთი ერთდღიანი და ზრდილობიანი ვიქნებოდი?! როდესაც სისხამ დილით — თორმეტი საათისათვის — მოვდივარ სამსახურში, ღამენათივი და წამთერაღვი, მყავსვე ყურმილს წავატან ხელს, ტელეფონი პარალელურია. მეზობელი ოთახის მზედუნიახავებს მთელი დღე პირი აქვთ მოხეული — თავიანთ დაქალებთან და შესაძლებელ საქმეებთან ტლიკინებენ საქართველო თემებზე. ვუსმენ და ცოდნას ვინდიდრებ, ვიგებ, სად რა იყიდება, ვინ გათხოვდა, ვის ხსნიან, ვის სად ნიშნავენს! ძვირფასი ინფორმაცია ერთ ყურში შემდის და მეორიდან არ ვუშვებ — თითოთ მაქვს დაცობილი, გვერდით მაგიდაზე დომინოს ქვიების პრაგაბრუგმა რომ არ შემანუხოს. დედა, რა გოიმი ხალხი მუშაობს ამ უთავო დაწესებულებაში! ოქროდ ღირებულ სამუშაო საათებს შესვენებამდე და შესვენების შემდეგ უბირ დომინოს ახარავენ, იმის მაგივრად, რომ ინტელექტუალურ პოკერს დახარჯონ. პრეფერანსზე არაფერს ვამბობ, მაგისათვის საჭირო უმალდესი არათმეტიკის... პოლიში, მათემატიკის ცოდნა არც მოეფიხებათ რიგით მეცნიერ მუშაებს, მეცნიერებთა სულ რაღაც კანდიდატებს!

მიქრის ბელეფონით უზრუნველყოფილი დრო, ძველებურად მარჯვენა ხელის საჩვენებელი თითი შესაბამის ყურში მაქვს შეტენილი, მარცხენა ხელით კი ყურმილი მიკრავს. ვისმინე საინტერესო საუბრებს, ვიფარტოვი ვიგობის არა.

მესმის ჩენი ლაბორანტის, მორენას, ოღნავ გაბუტული რომ გეგონება, ისეთი ხმა. ყველაფერს ვიმახსოვრებ. გინდა მაგნიტოფონზე ჩაიწერო, გინდა ჩემთვის ვითქვამს. როგორ დამაიწყდება, მაგალითად, რომ დღეს მორენას დაბადების დღე ყოფილა. არ დავუპატივებდარ, მაგრამ აუცილებლად მივალ. რომ არ მივიდე, ეწყინება მამამისს, სათნო კაცია, გამოსაფხიზლებელში მუშაობს. გათრიკლ ალკოპოლიებს ორიღირიან ოყენებს უყვიებს.

ნახ. 2. ფირცხალავანი



— რა საკითხზე მუშაობთ ამჟამად?
— სამუშაო და არასამუშაო საათების რაციონალურად შეთავსება-გამოყენებაზე!..

შესვენებაზე ბუფეტს მივაკითხე. დაებრუნდი და ისევ ტელეფონთან მოვიკალათე. ბელი არ გინდა?! — პარალელურ ტელეფონით არავინ ლაპარაკობს! სახლებში გავრეტილხა — ქმნადანს მარასაკვია, სულ ფეხებზე ჰკილიათ საწარმოო დისციპლინა!

არ ვიცი, სად დაერევე. კაცმა მიბასუხა:
— ვინ ბრძანდებით? — თავდაყრებულად, ბოხი ხმით ვკითხე.
— ოდილავე!
— ძალიან სამღერლად კი გაქვთ საქმე! — ირონიულად დამარცვლე სიტყვები.
რა ამბავია?!

— ვერ გეტყვით. რა საჭიროა, ქმარმა იცოდეს, რომ მისი მეუღლე, ერთ ლამაზ ყმაწვილთან ერთად, ჩაკეტულია სასტუმრო „კონტინენტალის“ 515-ე ნომერში. შეგნებული ადამიანი ბრძანდებით და, იმიდია, იქ არ მიხვალთ, არ ჩააშხამებთ ახალგაზრდა ქალს სიყვარულით გაჩახახებულ დღეს!

ყურმილი დავკიდე და გავმხიარულდი. მივარდებოდა ახლა ეს ყუმი იქ, იმსახურებს, ნერვებს დაიწყებებს და, ბირში ჩალავმოვლებული, წავა სახლში, რათა ცოლს სკანდალი აუტეხოს!.. ოჯახიც დანგრევი! შემდეგ ვრეკავ სასწრაფო დანმარებაში, მანქანას ჩემი კარგი ნაწილის მისამართზე ვიძახებ. თან ვიცი, იქ ლიფტი გაფუჭებულია! წარმოიდგინეთ: მეცხრე საართულზე ასული აქლომინებელი ექიმი კითხულობს, ავადმყოფი სად არისო და მას ეუბნებიან, იქნებ თვითონ გაქვთ სიტყვი, ჩვენ ავადმყოფობა ღმერთმა გვაშოროსო! მახალა ამბავია, ხომ კი?!

მერე ტელეფონის წიგნი გადავშალე. ვკრებ ნომრებს და მობასუხეს დედას ვაგინებ უკომენტაროდ! ეშში შეგვიდი ახალ-ახალი კონსტრუქციების გინებებს ვიგონებ და საიამ მეფინება გულზე. ისინი იყო, სახანძრო რაშში დავაპირე დარეკვა, მინდოდა, შემრწუნებული ხმით მეთქვა — გვიშველით, ვიწვით-მეთქი, რომ ეგენიშენ მეზობელ მაგიდაზე მოათავეს დომინოს თამაში და კისრისტეხით გაიქცნენ სახლებში. სანწუხაროდ, დამთავრდა სამუშაო დღე. არა უშვას, სახანძროს, ავტონისპექციასა და ტაქსების პარკ ორშაბათს დავურეკავ.

საღამოს შორენას მივადექი. მავ ნაძირალს ვგრეთ წოდებული ტკილი სუფრა ვაეწყო. ორფუთიანი ტარტები და ნამცხვრები გამოეტანა. ერთი ცისტერნა ყავა მოხხარა. დამსხდარან ეს გაუთხოვარი გომბიოები და სკდებიან ყავის სმით და ლაყობით. მორცხვობასაც აქვს თავისი ფარგლები — სერვანტი გავადე და ექვსთემიანი ფრანგული კონიაკი ვიპოვე.

— მამაჩემი მაგ ბოლოს ჩემი ქორწილისათვის ინახავს! — ამრეხით თქვა შორენამ და ბოლოს წართმევა სცადა. ცდა, რასაკვირვებოდა, უხეყოფე აღმოჩნდა.

— არ იცის მამაშენმა, რომ თვითონ მაგისი ქვლეხი შენს ქორწილზე ბევრად ადრე იქნება?! — ენამოსწრებულად მივუფე და გადავიხარხარე, სხვას არავის გაუცინია. სადა აქვთ შინაბერებს იუმორის გრძობა?!

შეზარბოშებულმა, ერთ-ერთი ქალიშვილი სახლში გავაცილე. სადარბაზოში ნახევარი საათი ვეხუტებოდით ერთმანეთს. ბოლოს დანტერესდი მისი სახელით. მითხრა, ტელეფონის ნომერი ვკითხე და — არა მაქვსო. წარმოიდგენიათ, სახელი და დიპლომი აქვს, ხოლო ტელეფონი — არა. ზუსტად როგორც ერთ ჩემს ნაცნობ ძაღლს — კურტიანკას. იმ განსხვავებით, რომ კურტიანკამ ოქროს მელაღიც მიიღო გამოფენაზე, ამან კი უნაღლესი სამიანებზე დამთავრა. ისეთ ხასიაზე დავდექი, თითქოს ჩემს უმანკო ტრფობით აღმოადებულ გულს მყრალი სითხე ვადასხეს ცეცხლსაპრობი ბლონიდან. ცივად მოგტრიალდი და წამოვედი. ტელეფონი არა აქვს და, ისე კი გამოპრანჭულა, გეგონება, პრინცესა ტურანდოტი იყოს! კბა გამჭვირვალე აცვია მელდუხასავით, გინდა სცმევი, გინდა — არა! დააქქერდები დაქუნებით და ნახევარი საათის შენდეგ იქნება გაწითლდეს კიდევაც სირცხვილისაგან. კინალამ არ შემადინა დარბაისელი კაცი, ოჯახის თავი, ორი შვილის მამა!..

სახლშიც ვერ დავწყნარდი. ვიწრიალე, ვიწრიალე, ბოლოს აივანზე გამოვვარდი. მუჟას ყუთიდან „ბალთავი“ კარტოფილი ამოვიღე და ნერვების დასაწყნარებლად ვილაყ მომრტფესორო ილიოტს ვხეე შლიაბაში. დავინახე, როგორ ჩაეარა შლიაბა ნავვის ურნაში და ოთახში შევევარდი. და სწორედ იმ მომენტში ჩამეშაპა ზარის წკრიალი. რეკავდა ასეთი ინტიმური, ასეთი ყვითული, ასეთი პოლონური ტელეფონი, ანუ, პოეტურად რომ ვთქვათ, ელსენენი. ალო!..

— ალო, ალო, რომელი ხარ?! შორენა?! როგორა ხარ, შე დამბალო?! წაიდ შენა!..

ეპილოგები

1. ესაა რომანი. ხომ იცით, ბოლო ხანებში რომანის დედაზარი უშველებელდება, მოცულობის შემცირების ხარჯზე. ხელოვნება მოითხოვს პატატურანა მსხვერპლს!
2. არსებობენ თავნები ხულიგნები. მათ მილიცია ებრძვის, რასაც მივეხადებები. მაგრამ ზოგიერთი კეჟათხელი ჩემისთანა ხათნო ჩენტლმენსაც ხულიგნად თვლის, ოღონდ მაღლედ, ახე ვთქვათ, მორცხვ ხულიგნად. ამ ზარის დაუძინებელი დუშმანი გახლავართ!

გიორგი ჩარბჰიანი



მეღვა კახიძე

ბაჭია

სანყალო, შეჭმას გიპირებს
მგელი, მელია, ტურა!
მიკვირს, პანანა ბაჭიას,
რად გიყურებენ მტრულად?!

შენც ივარჯიშე ციყვივით,
ისწავლე ხეზე ასვლა! —
მგელი, ტურა და მელია
ველარ შეგჭამენ, სანყალს!



ირვას საჩივარი

ღეღა ჩამჩიჩინებს,
გვერდით ვეჯდუ მუღამ,
არ ავილო ხელში.
თოვლის ცივი გუნდა,
მოვერიდო სირბილს,
მოვერიდო ჭინჭარს!..
სიცხე ხომ არა მაქვს?! —
ყოველ წუთში მსინჯავს!..
მინდა გავიზარდო,
ჩქარა გავხდუ დიდი!..
დრო კი განა ჩქარობს?! —
კუს ნაბიჯით მიდის!

ჭრიჭინები

შუადღისას ჭრიჭინებმა
გაახურეს ხერხვა! —
სწორედ იმ ხეს ხერხავენ,
რომელზედაც სხედან!
ნაიქცევა ხე და —
გეტირებათ დედა!

ბუზი

აბეზარი ბუზი
სუფრას თავში უზის,
ჩემს წინ ნამცხვარს წუნწის —

თავხედი და წუნწი!..
ხელს ავუქნევ მწყრაღად, —
ის ზის, — განა წავა?!
ყბაში სილა ეკუთვნის
ამისთანა ყაჩაღს! —
ჯერ კი ისევ ბუზის! —
ფალავანი არ ჩანს!..

პატარაა ჩიტი, მაგრამ
ხარბად კენკავს ჭვავს;
არ ინუნებს ხმელა პურსაც,
რაც მოხვდება, ჭამს!..

პატარაა გოჭი, მაგრამ
რკოს ჭამს, განა — რძეს?!
როცა რკოთი გამოძლება,
ხილს აყოლებს ზედ!..
მეშინია, — ვემაღები, —
არ შემჭამოს მეც!..

ბაყაყი

ბაყაყების ბუდეს
ეძახიან ჭაობს,
ამიტომაც ირგვლივ
ბაყაყის ხმა ჭარბობს!..

მეშინია, ყიყინით
არ გაუსკდეს ჩიყვი! —
ხან ქვებს ვესვრი ჭაობში,
ხან მივმართავ სიტყვით, —
ის კი კვლავ არხეინად
ამბობს: „ყი, ყი, ყი, ყი!“



მამალი

ეზოს უვლის გულადად,
ვარიების ამალით,
„ყიყილიყო!“ — გაჰყვირის
თავმომწონე მამალი.
„მინდა, ძერას ვეჭიღო! —
მიმასწავლეთ, სად არის?!“
ეშინია ბებიას,
ეშინია დედაჩემს!..

ეს რომ ძერამ გაიგოს,
ბუმბულს ზედ არ შეარჩენს!
კვენხნას არ ამატიებს,
შენანებს დაქადნილს,
ნაიყვანს და დევკარგავთ
დიდ-პატარა კარგ სადილს!




კურღღელი


გემრიელად ახრამუნებ
კომბოსტოს და ბოლოკს!..
ფრთხილად, ფრთხილად,
ქურღბაცაცავ,
არ ინანო ბოლოს!
ფრთხილად! —
პატრონს თოფი მოაქვს! —
ძირს არ გაგაგოროს!

თაგვი

ჩვენს სახლს შემოეჩვია
ქურღბაცაცა თაგვი! —
მე თხილები ამნაჰნა,
ეკას — კაბის თარგი!..

მპარავს, რაც კი მოხვდება:
კაკალს, კანფეტს, ფაფას!..
ჩემი ბრალი არ იყოს,
თუ ნაანყდა ხაფანგს!..





ოჯახური იდილია...

სსოპაკაბისაული ასტრონომია

ვასვლის შემდეგ ჩემმა გამნახვერებელმა მეორე ნახევარმა, როგორც ყოველთვის, ჩვენი ბავშვების საშინაო დავალებები მომართვა დესერტად. ასორტიმენტი ამჯერად მრავალფეროვანი იყო: ფიზიკა, მათემატიკა და ქიმია, სანებლად — ასტრონომია. თუ პირველ სამ საგანს ადვილად მოვუღე ბოლო, უკანასკნელმა ჩემს წინაშე ბევრი ახალი პრობლემა წამოჭრა, რომელთა მნიშვნელობა ამჟამად სცილდებოდა სასკოლო პროგრამის ფარგლებს. ამიტომ თავი ვაღდებულად ჩავთვალე (კაცობრიობის წინაშე პირშავად რომ არ დავრჩენილიყავი), ეს გენიალური თეორია ქვემოთ სახით ჩამომეყალიბებინა:

ჩვენი გალაქტიკის ანუ საპროექტო ორგანიზაციის ცენტრში, რა თქმა უნდა, ჩემი უფროსი დგას. მაშასადამე, იგი არის მზე. მის გარშემო სულმოუთქმელად ტრიალებენ მარსი — პირველი მოადგილე, იუპიტერი — მთავარი ინჟინერი, ვენერა — მდივანი ქალი, რომელსაც ზოგჯერ უფროსის ბრძანებების ბეჭდვაც ევალება, დედამიწა — ადგილკომის თავმჯდომარე. მის გარშემო უამრავი თანამგზავრი (თანამშრომლები) ირევა დასასვენებელი სახლების საგზურების შოვნის იმედით. შედარებით საბრალოდ გამოიყურება საგემო განყოფილების გამგე ანუ მთვარე, რომელიც, აქეთ-იქით ბორიალის გამო, ზოგჯერ ამოეფარება მზეს და იწვევს გემის ნახევრად ან მთლიანად დაბნელებას, რასაც ხშირად მოჰყვება თეთრი ღამეები და შავი დღეები.

აღნიშნულ გალაქტიკაში მე ვარ სატურნი — მზისგან ერთ-ერთი ყველაზე დაშორებული წერტილი. ტრიალით, იცოცხლე, მეც ვტრიალებ, მაგრამ რად მინდა, თუ არავინ მამჩნევს?! ამის გაფიქრებაზე სევ-

და შემომანვა გულზე, კინალამ ვალიარე ჩემი უსუსურობა, მაგრამ ბედად აინშტაინის ფარდობითობის თეორია გამახსენდა და გონება დღესვეთ გამინათდა.

მართლაცდა, განა მე არა ვარ მზე შიდაგალაქტიკაში ანუ ოჯახში?! ამ აღმოჩენით გახარებული უძრავად გავიშობე ტახტზე და დავიწყე ჩემი სამყაროს შონესრიგება, ე. ი. მე ვარ მზე, ჩემს სიახლოვეს ფაციფუცობენ ცოლი — ანდრომედა, სიდედრი — მერკური და დიდი დათვის თანავარსკვლავედი ანუ ჩემი სამი ტყუპი ვაჟი. მათი გადაადგილება საკმაოდ რთულია, რადგან ისინი საკუთრივ მოძრაობენ: სიდედრი თავისი ღერძის მიმართ — სამზარეულოში, ცოლი — ბავშვების ირგვლივ, ბავშვები — ბურთის, ზოგჯერ (ქამრის გამოყენებით) — წიგნების მიმართაც.

არადა, რა საინტერესოა ცხოვრება! თუნდაც იმით, რომ ყველაფერი სპირალურად ვითარდება — ქვევიდან ზევით. თუ ამას გავითვალისწინებთ, არც ჩემი უფროსი ყოფილა ნამდვილი მზე. რადგანაც იგი შეუსვენებელი ტრიალებს ტრესტის მართველის გარშემო, ტრესტის მმართველი — თავის ცოლის ირგვლივ, ეს უკანასკნელი კი — სარკის წინ.

და, აი, ფანტასტიკური სურათიც: ჩვენი გალაქტიკების ცენტრში მოთავსებულია სარკე ანუ ჭეშმარიტი მზე, რომლის გარშემოც ბრუნავს ყოველივე. საბედნიეროდ, ჩემმა ცოლმა არ იცის ეს (ისეა დაკავებული საოჯახო საქმეებით!), თორემ ვინ უწყის, რა მოხდებოდა?! აქ ცნობისმოყვარეობამ წამძლია: ნეტავ, რა მოხდება, ცოლი თუ გაიგებს, რომ სარკე ყოფილა მზე? მოხდება ის, რომ თავდაპირველად ჩემი მეორე ნახევარი მოუხშირებს სარკის წინ ტრიალს. სიდედრი უეჭველად მას აპყვება. შესაძლოა, ბავშვებიც წამოიგონ ანკესზე და დედის მხარეზე გადავიდნენ. მომზადებული იქნება რა საფუძველი, ფრანგული მოდა უბოდიშოდ შემოაბიჯებს ჩემს ბინაში და გამოიწვევს საოჯახო ფინანსების ანარქიას. მე იძულებული გავხდები, გავაგრძელო ბზრიალი, ერთის მხრივ უფროსის გარშემო, ხელფასის მომატების იმედით, მეორეს მხრივ კი მაღაზიაში, ცოლის დაკარგვის შიშით!

ამის გაფიქრებაზე საშინელმა აზრმა გამიელვა თავში: მაშ, გამოდის, რომ მე ვარ მარტის ყველაზე უმცირესი ნაწილაკი, რომლის ასავალ-დასავალი არავინ იცის და არც არავის აინტერესებს! ჩემი დანახვა შეუიარაღებელი თვალთ, ალბათ, უკვე შეუძლებელია. ნუთუ მხოლოდ სუპერ-მიკროსკოპებს ძალუძთ ჩემი ამ ქვეყნად არსებობის ფიქსირება?! ღმერთო ჩემო! ვარსებობ კი საერთოდ?!

კატასტროფისაგან დეკარტემ მიხსნა: თუ აზროვნებ, მაშასადამე, არსებობ! ამ შეგონებით მე კი გადავრჩი, მაგრამ სარკეები ვერა. სუყველა რომ დავფშენი, მხოლოდ მაშინ მოვედი გონს. პირველი, რაც შევამჩნიე, ის იყო, რომ ჩემი გალაქტიკის პლანეტები (ცოლი, სიდედრი, შვილები) ბუზღუნით მივლიდნენ გარს.

გალხაჯ ცოტაძე

გადაა პოეზია, როგორც ქარიერისთვის ებრძოდა და თავად...

სერგეი მიხალკოვიდან

იმაზე, რასაც სწადიხარ, სხვას აძაგებდი, მახსოვს! — პირბასრ სტრიქონებს კისერზე უღირსს მოსდებდი ლასოდ!.. ერთს და ორს როდი ვინსენებ, შენგან დანყებულ კორიდას, როს მიზანს მარჯვედ თოფავდი, — ახლოდანა თუ შორიდან! ვინც კახაბერი არ იყო, არც დაარქმევდი კახაბერს და მართლის მთქმელნიც ხარობდნენ, სადმე თუ ჩავლილს გნახავდნენ!


როს კარიერისტ პოეტებს მწერლობის მახრა უწოდებ, შენც გამე ხარი დაგერქვა — კაცს — ბატკანივით უტოდველს! წესრიგი გნადა ყველგან და ყველას უყვარდი ამიტომ! ამბიცია და სიჩუმე შენი სტიქია არ იყო!.. მოძალადის თუ უნიჭოს თანამდებობით გაბლენძვა წერვებს გიშლიდა! იტყოდ: „ეს კაცი ცუდად დაძერება! იბრომილოს, ბატონო, საქმეს მიხედოს ოლონდაც, მაგრამ, ხომ ხედავთ, არავის ზედ არ უყურებს, მოდორდა! გახდა ორპირი, ლაქუცა, სანყალობელი ფინია! — სიე, თავისი წიგნები, იცოცხლე, გაუფენია!“ — ამბობდი და აგრძელებდი: „ხომ საოცარი რამ არის?! — ასე გაბერილ სტომაქებს უძლებდეს ტყავის ქამარიც?! მანქანაც უნდა, სასელიც, არვინ ჰყავს გამკითხავი და!..“ იმ ყოველდღიურ სიმართლეს იმეორებდი თავიდან. შინ თუ საჯაროდ ამბობდი, რაც არ მოგწონდა პოეტ კაცს, — იმ დროს სინდისის ოქროსგან ტრიდი სინაღდის მონეტას?! „...საკბილოები“ ერთ დღესაც, — თავად მართალს და ნიჭიერს, — ჩავისაფრდნენ და... ლასო კი — კისერზე მჭიდროდ გინჯეს!.. წყუელთ ბანაკში აღმოჩნდი (ჩაგავლეს, რაკი იციდიღენ!), დაგამუშავეს! ან ამბობ: „მე თავს ვარიდებ ინცინდენტს!“ მოგართვის სავარძელი და (სავარძელს თვლემა სცოდნია!), ასეა, ჩემო ძამია, — ხუმრობა საქმე როდია, — შენი პრინციპის დამცველი ბოლომდე დარჩე კაცურად! — (თითო-ოროლამ მდინარე ასე კაცურად გაცურა!) — ეგ დღეს გმირობის ტოლია, — დამეთანხმები ნამდვილად, თორემ შენ სავარძელმაც ხომ უცბადვე მოგინადირა?! ჰაი, ჰაი, რომ სხვა იყავ, სულ სხვა დონის და სხვა ტონის! დღეს გქვია (ნეტავ არ გერქვას!) მანქანის, „დაჩის“ პატრონი! ბოთლზე საცობად მოგარგეს — გაბლენძილ-თავანუელი, სული კი მაშინ დაკინდა, რომ ავიფუფუდა სხეული! ახლა კითხულობ არავის! — კმაყოფილი ხარ შენით და, სახალხოდა რასაც ებრძოდი, ის ჭვარტლი შენში შენივთდა!..

გახსოვს?! — სინმინდე რომ გქონდა, გამქრალა, როგორც ბოლი!.. იქნებ, მაშინაც ტყუოდი სავირეშმაკო როლით?! ...იმაზე, რასაც სწადიხარ, — სხვას აძაგებდი, მახსოვს! ამგვარად, ნებით კისერი ხომ მიავებე ლასოს?! ამიტომ შენი კაცობა კაპიკად აღარ ფასობს!..

მორალში: მუდამ იცოდე, კარიერისტი პოეტი მოსარიდია, ძამია, სადაც არ იყო, — ყოველთვის!

დილარ ივარდავა

ნახ. რ. ჯაშისა



უსიტყვოდ

ურაზები

- **ქანონიან** კუკუმალობანას თამაში ცხრაკლიტულში დაამთავრა.
- **წმრილმანი** საგნის დაკარგვას ნუხდა, სინდისის დაკარგვა კი სულაც არ ანაღლებდა.
- **ბამრუდმუშულ** საქმეს გამოუსწორებელი დირექტორის მინასთან გასწორებამ უშველა.
- **მშენებლობას** მაშინ აქვს ფასი, თუ მშენებელი აშენებს არ აპირებს.
- **სასარბაზლო** აზრი კოლექტივში იბადებოდა, მის ავტორად კი დირექტორი ინათლებოდა.

ოთარ სტაშაძე
(ქ. ბორჯომი)

- **მილიონი** რომ კაპიკებისაგან შედგება, — ეს ყველაზე პრაქტიკულად შემწვანილომ იცის.
- **იგი** ზედმიწევნით ორიგინალური იყო: არავის გავლენას არ განიცდიდა, არავის არ ბაძავდა, არავის არ შგავდა!.. ერთი სიტყვით, უმსგავსო იყო.
- **დედამინა** ყველაზე დიდი მლიქვნელია: ერთთავად მზის გარშემო ტრიალებს.

გარი მატრეპელი

ნახ. მ. აბაშიძისა



— მთავარია არ ინერვიულოთ!..
— როგორ არ ვინერვიულო, ექიმო, როცა ჩემი კომპინატორი მეზობელი ჩემზე უკეთესად ცხოვრობს?!

492 83
 ყ.ს.ს.



გამოჩენილი ჩახი სატირიკოსი მხარ-
 ლის — იაროსლავ ჰაუპტმანის და-
 გადუბის 100 წლისთავის გამო ვთა-
 ვაზოტ მის ერთ-ერთ იუმორისტულ
 მოთხრობას.

მოსდა გაუგონარი ამბავი:

გიმნაზიის მეორე კლასის მოწაფე ბატი-
 კი, ყველაზე ღარიბი, მაგრამ ყველაზე
 ბეჯითი და ყოფაქცევითაც წარჩინებული
 მოსწავლე, სწავლის ქირისაგანაც რომ იყო
 განთავისუფლებული და უფლებაც დაიმ-
 სახურა, უფასოდ მიეღო მონაწილეობა
 ექსკურსიაში, და, ყველა ამასთან ერთად
 სკოლის ფონდიდან სამი რვეულიც რომ
 მიიღო ხუთი კრეციერის ღირებულებით, —
 სწორედ მაშინ, როდესაც ლათინური ენის
 გაკვეთილზე მისი ჯერი დადგა და მას-
 წავლებელს უნდა გაეძახა, — აი, ეს სამა-
 გალითო ბიჭი ადგა და თქვა:

— ბატონო მასწავლებლო! მე აუცილებ-
 ლად მესაჭიროება საპირფარეოში გასვლა!

მასწავლებელი ჰომეცი გაშტერდა, თით-
 ქოს მეხი დაეცაო.

მის გვერდით მდგომი ინსპექტორი,
 ჰელმუტი, კი გაფითრდა, როგორც კირით:
 შეთეთრებული კედელი. შემდეგ მიბრუნდა
 საბრალო ბატიკისაკენ და მკაცრად ჰკით-
 ხა:

— რა გქვიათ?!

მოსწავლე განითლდა.
 — ვლადისლავ ბატიკი, გორნი მრანე-
 დანი! — უპასუხა შემკრთალმა.
 ინსპექტორს სახე დაემანჭა.

— რა უფლებით და რა საფუძვლით,
 თქვენ, ვლადისლავ ბატიკო, გორნი მრ-
 ჩედანი, სარგებლობთ ამ შენობაში სიტყვა
 „საპირფარეოში“? ბატონო მასწავლებე-
 ლო, გთხოვთ, აუხსნათ, თუ როგორ უნდა
 ითხოვოს ზრდილობიანმა ბიჭმა ნებართვა
 საკლასო ოთახიდან გასვლისათვის, არა
 უმეტეს ხუთი წუთით! ამ დროის ამონურ-
 ვისთანავე კი მოწაფე აღინიშნება ჟურნა-
 ლში და მისი ნიშანი ყოფაქცევაში უნდა
 დაინიშოს! — თქვა ინსპექტორმა, გამანად-
 გურებელი მხერით გადახედა კლასს და
 კათედრასთან დაჯდა.

მასწავლებელმა ჰომეცმა ჩაახველა და
 შემდეგ განაცხადა:

— მასადაამე, ასე... რომის ლიტერა-
 ტურის ისტორია გვასწავლის, რომ თა-
 ვიანთ ნაწარმოებებში რომელი პოეტები
 იყვნენდენ მხოლოდ და მხოლოდ მაღალ
 საზოგადოებაში ხმარებულ გამოთქმებს,
 აქედან გამომდინარე კი შეგვიძლია დავა-
 სკვნათ, რომ...

ბატიკი ისევ წამოდგა. ცახცახებდა.
 — გთხოვთ, ბატონო მასწავლებელო,
 ნება მომცეთ, გავიდე!..

— არა, ბატიკ, მას შემდეგ, რაც თქვენ
 ჩაფლეთ ვულგარულ უხამსობაში, უკვე
 გვიანაა წესიერი სიტყვების ხმარება!
 ვერ ვიტან გარყვნილობას, და, საერთოდ
 მივიჩივს, თქვენ — ღარიბმა ბიჭუნამ —
 რომელსაც მხოლოდ საბრალო დედის,
 სანყალი ქერივის დახმარების იმედი გაქვთ,
 ხმარობთ სიტყვებს, რომელთა გამოც დაი-
 რცხვენდა სოფლის ყველაზე უკანასკნელი
 და უღარიბესი ზოგანოც კი! ამ მომენტი-
 დან თქვენი ნიშანი ყოფაქცევაში ერთი
 საფეხურით დაინვეს, იმიტომ, რომ ქორფა
 ხე დროზე უნდა გასწორდეს, სანამ გვიან
 არ არის, სანამ ადამიანთა საზოგადოება
 არ გახდება ერთი უმსგავსო ეგზემპლარი:
 მეტი! მე თქვენ უკვე გითხარით, ლათინუ-
 რი ენა საშუალებას იძლევა და საგრძობ-
 ლად უწყობს ხელს ყველას, ვინც საქმაო
 მონდომებით სწავლობს ამ ენას, შეიძინო
 კეთილშობილური გამოთქმები, ამასთან —
 მაღალი საზოგადოების აზრი და ფიქრები!

ბატიკის მღელვარება ძლიერდებოდა. მან
 მუდართი შეხედა ინსპექტორს, რომელიც
 გულგრილად ათვალიერებდა თავის ფრჩხი-
 ლებს, ბიჭმა მხერა კედელზე ჩამოკიდე-
 ბულ კარნაკის ტაძრის სურათზე გადაი-
 ტანა. თვალები ცრემლებით ავესო. ო,
 შესაძლებელი რომ იყოს, ახლა, იქ, იმ
 ტაძრის წანგრევთა შორის ყოფნა!..

მასწავლებლის სიტყვები თითქოს შორი-
 დან მოესმა:

— უკვე რამდენჯერ ვცადე, შთაგონებით
 ამეხსნა თქვენთვის, რომ ყოველი თქვენ-
 განის მიერ წარმოთქმულ სიტყვაში უნდა
 ჩანდეს ჩემი ამდენი ამაგის კვალი —
 ავღზარდოთ წესიერად ამამიანებად! ძველი
 რომაელები ატირდებოდნენ თქვენს გამო
 ბატიკ! იულიუს კეისარი, ოვიდიუსი, ციცე-
 რონი და გრაციუს ზიზლით შეიბრუნებდნენ
 თქვენგან სახეებს, ბატიკ!.. საით წაიღეთ
 ხელები?!

— ბატონო მასწავლებელო... — წაიჭურ-
 ჩულა საბრალომ.

— გაჩუმიდით! გარდა ცუდი ყოფაქცე-
 ვისა, მე თქვენში ვამჩნევ სხვა არანაკლებ
 საძაგელ ჩვეულებას! თავის მართლებას
 აპირებთ?! თქვენ გავინწყდებით, რომ ღა-
 რიბი ხართ და გათავისუფლებული ბრძან-
 დებით სწავლის ქირისაგან ასე და ამრი-
 გად, ფეხქვეშ საფუძველი გეცლებათ! დაი-
 ხსომეთ, რომ კეთილშობილი სიტყვები —
 კეთილშობილი სულის გამოხატულებაა და
 ამისკენ თქვენ მიჰყავხართ კლასიკურ აღ-
 ზრდას, რომელსაც...

ბატიკის წამებამ კულმინაციურ წერ-
 ტილს მიაღწია.. სახე გაუნითლდა.. ტანი
 აუტახცახცადა სასოწარკვეთილი ატირდა.

— ამის გამო, ბატიკ, იძულებული ვარ,
 სამაგალითოდ დაგსაჯოთ — თქვენ დაარ-
 ლევით ჩვენი სიმშვიდე, როგორც ბარბა-
 როსმა და, როგორც ბარბაროსმა, უნდა
 მოინანიოთ საზიზლარი, აუტანელი, უხეში
 და უწყესო სიტყვა!.. მაქსიმლიანე, რომელ-
 მაც ორჯერ უარყო რომის იმპერიის ტახ-
 ტი...

ბატიკის გარშემო ერთბაშად ხუთი ხელი
 აიწია.

— რა გნებავთ, შორის?!

— ბატონო მასწავლებელო, თუ შეიძ-
 ლება, ნება დაგვრთეთ, ფანჯარა გავა-
 ლოთ!

თარგმნა ნანა კანდელაკმა

ნახ. 3. კუციალი



უსიტყვოდ



უსიტყვოდ

გაზნიარული კიკაბანი

დავიკით:

„მითიხვით, გავ ვისავ დისკაზიანის!“

ქართული ანდაზების განმარტება



„ქართული ანდაზებისა და სიტყვა-თქმების წარმოშობის, გავრცელების, ზნეობრივ-სოციალური საფუძვლების, გეოგრაფიულ-ბიოლოგიური (ფლორა-ფაუნათურთ) გარემო პირობების საკითხები, მათი შემცვნიებით, კომუნიკაბელურ-საურთიერთობო ხასიათი, თემატური განლაგება-განვითარება, იდეურ-მორალური მრწამსი, ამას თანავე ფუნქციონალური დანიშნულება და მიზანმიმართება, აზრობრივი და მხატვრულ-სიტყვიერობრივი ურთიერთ-შერწყმა-შეპირაპირება და, უპირველესად, საყოფაცხოვრებო-ეკონომიკური, ასევე ესთეტიკური მნიშვნელობა მათი კონკრეტული ადგილობრივ-გლობალური და ზოგადსაკაცობრიო მინიშნებების ფონზე“.

(ეს დისერტაციის ქვესათაურია)

ააფრინე ალალიო, რაც არ არი, არ არიო. ამ ანდაზით იწყება ქართული ანდაზების კრებულთა დიდი ნაწილი და ჩვენც ამ ანდაზის განმარტება დავისახებო პირველ ყოვლისა (მით უმეტეს, რომ იგი, ე.ი. ანდაზა, იწყება „ა“ ასოთი და ქართული ანბანის, ანუ ალფაბეტის, მოგვსწენებათ, „ანიო“ იწყება, სხვა ალფაბეტებზე რომ ალარაფერი ვთქვათ).

ალალი — ფრინველია ერთგვარი, მტაცებელთა ჯიშს მიეკუთვნება (იხილეთ ქართულ ხალხურ ლექსში: „ჩამოგებროლებს ალალი...“ და ა. შ.).

კაცნი მას ნადირობისათვის წურთიან ისევე, ვითარცა მიმინოს, შავარდენს, ქორსა და სხვა სსავსთა.

კაცსა ერთსა თურმე ალალი ჰყვანიყო. ააფრინა მან ალალი იგი და აღარ მოფრინდა ფრთოსანი უკან. იქვე მგობარი მდგარიყო მისი (კაცის) და ჰრქუა მან: „ნულა იწუხებ და შეიცხადებ ეგზომ ფრინველის უკან მოუფრინლობას, რამეთუ ვერაგობა თვისება არს მტაცებლ ნადირ-ფრინველთა. ჩათვაღე ესრე, რაც არ არი, არ არიო! თითქოს არცა გყოლოდეს აროდეს ფრინველი იგი!“

ხალხი ამ გამოთქმას გადატანითი ბნიშვნელობით სმარობს (როგორც ზოგიერთ სხვა ანდაზას), როცა ვინმე წავა და აღარ მობრუნდება.

აქლემის ისე არ დავარდება, ვირის საპალნე ვერ აიკიდოსო. ვისაც აქ მოსხენიებული პირუტყვები უნახავს, დავგერწმუნება, რომ მართლაც აქლემი გაცილებით დიდი და ძლიერი ცხოველია, ვიდრე, რატომღაც, საყოველთაოდ ყბადაღებული, ყოვლად უწყინარი ვირი (ამ უკანასკნელსაც აქვს რიგი სასარგებლო თვისებები!). ვირი, თავისი სინცირის გამო, აქლემთან ვერ მივა ტვირთტევადობით და, საკმაოდ დიდი ძალის მიუხედავად, ვერც ტვირთამწეობით და ტვირთბრუნებით.

აქლემის ქურდი და ნემსის ქურდი ორივე ქურდიო. ეს ანდაზა დიდად არის გავრცელებული, მაგრამ მთლად ვერ დავეთანხმებით; უფრო თერძის ნათქვამი უნდა იყოს და ვინრო საუწყებო ინტერესებიდან გამომდინარეობს. სად ნემსი და სად აქლემი — „უდაბნოს ხობალი...“ რას ლაპარაკობ?!

ახალი ცოცხი კარგად გვისო. — შესანიშნავი ანდაზაა! რას ნიშნავს ხალხის სიბრძნე და საუკუნოვანი გამოცდილება! მართლაც, თუ დააკვირდებით, შეამჩნევთ, რომ ახალი ცოცხი გაცილებით უკეთ გვის; ძველი კი, რაკი გამეჩხრებული და გაცივებულია, რაც უნდა მონდომებით მოუსვათ, მაინც ტოვებს შიგადაშიგ ნავაგას.

დათვი რომ მოგერევა, ბაბა დაუძახეო. ერთი კაცი ტყეში მიდიოდა, მოულოდნელად დათვი დაესხა თავს, ნაპტყრა და ღვაპობს ორი გადმოცემა: ერთი ვარიანტით დათვს ტყეში წაქცევა, მეორე ვარიანტით კი — პირიქით. ახლა ქნელია იმის დადგევა, როგორ დამთავრდა მათი შეხვედრა, ამიტომ ორივე ვარიანტი გავრცელებული. ისე, ჰუმანური თვალსაზრისით, პირველი ვერსია სჯობს და ჩვენც მას ვუჭერთ მხარს, თუმცა მთლად დათვის იმედის არ შეიძლება იქონიოს კაცმა.

ვინც იცის ცეცხლია, ვინც არა — ცერცვიო. აქაც ორი ვერსია არსებობს (მეორე ვერსიას ჩვენ მივაგენით). პირველი, როგორც ლიტერატურული წყაროებისა და ზემოთი გადმოცემების აბსოლუტური უმრავლესობა იუწყება, ასეთია: ერთ მღვდელს მეტად საჩოთიოო საქმეზე შეუწარია თავის ცოლთან ერთი კაცი და გამწარებული უკან დასდევნება საოჯახო მოვალეობის შესრულებაში უნებართვოდ და თავხედურად ჩაზიარებულა. დევნილმა მღვდლისავე ბოსტანზე გადაიბრინა-გადაიფირითა და, სირბილშივე, ერთი მუჭა ცერცვი წოგლიჯა. დევისს მარშრუტზე, მოპირდაპირე მხრიდან, მგზავრი შემოხვდათ, რომელმაც გაკვირვებულმა შესახსა გააგებულ ლეთის მსახურს: კაცო, ერთი ბლუჯა ცერცვისთვის კაცს მოსაკვავად მისდევ? წამო ჩემსა და, რამდენიც გინდა, ინდენს გამოგატანო! ანაფორააკაპინებულმა, თვალგადმოქანულმა და გვერდზე წვერმოქცეულმა მღვდელმა სირბილშივე მოუხედა შეხვედრილ გაცილებულ პირს და მიამბა: „ეჰა, ჭაბუკო! ვინც იცის, ცეცხლია და ვინც არა — ცერცვიო“ და დევნა განაგრძო.

მეორე ვერსიით, პირიქით ყოფილა: მღვდელი წინ გარბოდა თურმე და კაცი უკან მისდევდა; ე. ი. მაცდუნებლისა და დაზარალებულის როლები ამ შემთხვევაში შეცვლილია, რაც, რა თქმა უნდა, რელიგიის მსახურებსა და მათ დამქაშებს ხელს არ აძლევდა და მათ პირველი ვერსიის გავრცელებას და მეორე ვერსიის მიჩქმალვა-მიფუჩეჩებას შეუწყვეს ხელი.


ასეა თუ ისე, ანდაზა ფართოდ გავრცელებულია და ნაა ისეთ შემთხვევაში იტყვიან, როცა რაიმე ამბავი ზოგმა იცის და ზოგმა არა.

თავაზ სალუშამამი,

ჯერჯერობით — სამეცნიერო ხარისხის მძებნელ-მამიებელი.

P. S. თავმდაბლად შევნიშნავ: სამეცნიერო საზოგადოების (აგრეთვე მასების) სამსჯავროზე გამოტანილი ეს ჩემი გენიალურ-მოკრძალებული ძიებანი მხოლოდ კანდიდატობას უმიზნებს, სადოქტორო ანი ნახეთ!

ნახ. ა. ოპროპირიძისა



უსიტყვიოდ

უსახლო დახვია?!..

მიკვირს, რად არ გელდება, ხელი ამდენ წერითა?! სულში შხამი გვედრება მზაკრულ თვალთა ცქერითა... ქლანნი, ჩიხანე, ჩახირობ, შეუპყრიახარ უცხო ხენს... ცოდვილ კალმით ნადირობ, ლანძღავ უმცროს-უფროსებს... სხვების წინსვლა გაცილებს — სხვების შურით ყბებშიმწმარს, ცუდის ლანძღვა რას მოგცემს?! — შეუდამ კარგის მტერი ხარ... კალმის წვერი გიცვლება, თუმცა ეს არ გადარდება... ბოღმით გული გესკდება, რომ ვერ აღწევ საწადელს... უსახლო „ტომებო“ რომ აკვირე მაგადა, ხალხის ლანძღვა გეყოფა?! — შირობარი არ ვინდა?! ჩიხანე! წერე! — მაგ წერით ვერვინ დავიჯახნიც! — სახელოვანს რას უხამ, უსახლო ქლანიავე?! რამდენ ცოდვას ხიადიხარ, თუმცა მშარლზე დაგტოვეს... აგრემც თავი დაგიხრავ ცოდვით სავსე მაგ „ტომებს“!.. ბნელ ფიქრებში ჩველულხარ, ვერცინ გამოგასწორებს! ახი როზვი პასუხად შენისთანა „ავტორებს“!

მთერ სამხარამი (ქ. სოხუმი)



სატირისა და იუმორის ყურ-
ნალი „ნიანგი“ №11 (1645)
ივნისი. გამოდის 1923 წ.
ივნისიდან.

მთავარი რედაქტორი
ზაურ ბოლქვაძე

სარედაქციო კოლეგია:

ჭაბუკა ამირეჯიბი, ნოზაძე
ბართია, ბორის გურგუ-
ლია, ნოდარ დუმბაძე, რე-
ვაზ თვარაძე, ჭეშელ ლო-
ლუა, ნოდარ მაღალაშვილი
(მხატვარი - რედაქტორი),
ალექსანდრე სამსონია, ბე-
ჟან სიხარულიძე (პასუხის-
მგებელი მდივანი), ჯანსუღ
ჩარკვიანი, თამაზ წიფჩივაძე.

ვაჟა ჭანიშვილი (მთავარი

რედ. მოადგილე). ნაფი ჭუ-
სოიძი.

ტექნიკური რედაქტორი
მიხეილ კუხალაშვილი

გადაეცა ასაწყობად 11.5.
83 წ. ხელმოწერილია და-
საბეჭდად 22.6. 83 წ. ქა-
ლალის ზომა 60X90/3
ფიზიკური ნაბეჭდი ფურცე-
ლი, 1,25, სააღრიცხვო-საგა-
მომცემლო თაბახი 1,7, სა-
ქართულოს კვ ცქ-ის გა-
მომცემლობა, ლენინის, 14
შეკვეთა №1269 უფ 07196
ტირაჟი 138.000. ყურნალი
გამოდის თვეში ორჯერ.
რედაქციაში შემოსული მა-
სალები ავტორებს არ უბ-
რუნდებათ.

ჩვენი მისამართი: 380008
თბილისი-8 რუსთაველის
პროსპექტი № 42.

ტელეფონები: მ. ავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარი-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაკების — 99-02-38,
მდივანი - მემანქანის —
99-76-69.

Сатирико - юмористиче-
ский журнал «НИАГИ»
(На грузинском языке)
Тбилиси, пр. Руставели
№ 42. Издательство ЦК
КП Грузии, Типография
издательства ЦК КП
Грузии, Тбилиси, улица
Ленина № 14.

ფასი 20 კაპიკი
ინდეგნი 76137



7-83

83-492

ისრაელი, შეერთე-
ბული შტატების მხარ-
დაჭერით, არაპირდაპირ-
ლიბანიდან უკვე დაიწყო
რეზობა გაყვანას.

გაზეთიდან



ნახ. პ. ლაშვილისა

ლაშაშვილი